



Indgået

**22 SEP. 2017**

Inatsisartunut ilaasortaq, Randi Vestergaard Evaldsen  
Maani

NAMMINERSORLUTIK OQARTUSSAT  
GRØNLANDS SELVSTYRE  
INATSISARTUT ALLATTOQARFIAT  
BUREAU FOR INATSISARTUT  
BOX 1060 - 3900 NUUK

**Nuummi, Ilulissani Qaqortumilu mittarfiit aningaasalersornissaat pillugu § 37  
malillugu apeqquteqaammut nr. 215-imut akissut:**

Brevdato: 18-09-2017  
Sags nr. 2017 - 20405  
Akt id. 6150323

Inatsisartut suleriaasissaanni najoqqutassaq § 37 imm. 1 naapertorlugu, Nuummi, Ilulissani Qaqortumilu mittarfiit aningaasalersorneqarnissaat pillugu Naalakkersuisunut apeqqutrqaammik saqqummiussaqarputit. Apeqqut uanga susassa qarfinnit akissuteqarfigineqassasoq innersuussutigineqarpoq.

P. O. Box 1037  
3900 Nuuk  
Tel. (+299) 34 50 00  
Fax (+299) 34 63 50  
E-mail: oed@nanoq.gl  
www.naalakkersuisut.gl

*1. Nuummi, Ilulissani Qaqortumilu timmisartunut suluusalinnut mittarfiit sananeqartussatut pilersaarutaareersut aningaasalersornissaat pillugu isumaqatigiinniarnert sumut killippat?*

a. Taarsigassarsilluni aningaasalersuinissaq imaluunniit nammineq aningaasaatit atorlugit aningaasalersuinissaq annermik isumaqatigiinniutigineqarpa?

Akissut: Ilisimaneqartutut Namminersorlutik Oqartussat aktiatigut ingerlatseqatigiiffimmik pilersitsipput Ilulissani, Nuummi Qaqortumilu mittarfissat sanaartornissaat ingerlanneqarnissaallu siunertaralugu, tassalu Kalaallit Airports A/S.

Kalaallit Airports A/S-ip taamaalilluni aamma mittarfeqarfiit pineqartut sanaartornissaannut tunngatillugu aningaasaliisussatut periarfissanik piukkunnartunik nassaarniarnissamik suliassaq tiguva. Tamanna pillugu isumaqatigiissutissat pilersinneqannginneranni Naalakkersuisut politikikkut akuerseqqaassapput kingornalu taamatut taarsigassarsinissamut ingerlatseqatigiiffiup ingerlatsinissaanut sinaakutissaannullu piumasaqaatit Aningaasaqarnermut Akileraartarnermullu Ataatsimiititaliaq akuerseqqaassalluni.

Suliassap taassuma ilaatut ilaatigut sanaartugassat ataatsimut akissaatut naatsorsuutigisat aamma iseritassatut tunngavissat pilersinnissaannut periarfissat ilisimanissaat pisariaqarpoq, mittarfissani pineqartuni taarsigassarsinissamut tunngatillugu erniat akilersuutillu akilertarnissaannik qulakkeerutaasussat, ingerlatseqatigiiffiup aningaasaliinnaasullu akornanni aningaasaliinissamik isumaqatigiinninniarnivissat aallartinneqartinnagit.

Kalaallit Airports A/S ullumikkut paasiniagassanik tamakkuninnga suliaqarluni aallarteruttoqoq ilimagineqarporlu taakku qanittukut inerneriumaaraat mittarfissat taakku pingasut sanaartornissaannut pissusissamisoortumik aningaasaliinissat qulakkeerneqarnissaat pillugu saqqummiussassamik Naalakkersuisut oqaluuserinninnaalernissaat. Naalakkersuisut tamanna tunngavigalugu tamatuminnga oqaluuserinninnissaat AIS 2018-mut nassuiaatini nalinginnaasuni nassuiaatigineqartutut tamanna pillugu UKA 2018-ip nalaani aningaasanut inatsisissatut siunnersuummut allannguutissatut siunnersuummik saqqummiussissapput.

Saqqummiussassami aamma isummerfigineqassapput nammineq aningaasaatinit aningaasaliinissap annertussissaata aamma mittarfiliortiternerni pineqartuni taarsigassarsiaasinnaasut akornanni oqimaaqatigiissitsinissaq.

b. Aningaasalersueriaatsiat assigiinngitsut landskarsimut piffissaq ungasinnerusoq isigalugu sunniutissai pillugit naatsorsuutit pigineqarpat ?

Akissut: Naatsorsuinerit isumaliutillu taama ittut saqqummiussamut nassuiaammi imm. 1a-p ataani pineqartut piareersarnerisa ilaatut ilanngunneqarnissaat naatsorsuutigineqarpoq.

c. Aningaasalersuinissamut isumaqatigiinniarnerni mittarfinnik ingerlatsinissaq ilaatinneqarpa imaluunniit Mittarfeqarfiit isumaqatigiissuteqarfigineqareernikuuppat mittarfiit pingasut ingerlannissaat pillugu ?

Akissut: Mittarfeqarfiit taakku ingerlanneqarnissaannut apeqqut aamma Mittarfeqarfiit-nut attuumassutit saqqummiussamut nassuiaammi imm. 1a-p ataani pineqartut piareersarnerisa ilaatut ilanngunneqarnissaat naatsorsuutigineqarpoq.

d. Kalaallit Airports naammattunik aningaasaateqarpa allaat suliap ingerlarnga tamaat akilersinnaassallugu imaluunniit immikkut aningaasaliisoqartariaqarnissaa pisariaqartinneqarpa ?

Akissut: Kalaallit Airports A/S-ip pisarialimmik nangillugu aningaasaqartinnissaa pillugu apeqqut imm. 1a-p ataani pineqartut ilaatut ilanngunneqarnissaat naatsorsuutigineqarpoq.

2. Naalackersuisut eqqarsaatiginerlugu mittarfiit pillugit suliat aggulunneqassasut, mittarfiit ataasiakkaat immikkut aningaasalersortussanngorlugit imaluunniit eqqarsaataava mittarfiit pingasut ataatsikkut aningaasaliisartunut ataatsikkut aningaasaliiffissatut isigineqarniarpat ?

Akissut: Kalaallit Airports A/S-ip susassaqarfiini paasiniagassatut suliassat taaneqartuni imm. 1a-p ataani angusat tunngavigalugit apeqqut taanna pillugu Naalackersuisut isummissapput, tassa paasiniaanermi suliassat ilaattut mittarfissat taakku pingasut tamarmik immikkut sanaartornissaannut ingerlanneqarnissaannullu siunissami aningaasaqarnissaattut naatsorsuutigisat erseqqinnersumik nalilersornissaannut aamma ilanngunneqassapput taamaalillunilu taakku pissusissamisoornerpaamik aningaasalersornissaat pillugu apeqqut aamma ilanngunneqassalluni.

3. Mittarfiit pisortat- namminersortullu piginneqatigiiffissaattut tuniniarneqassaat Naalackersuisut qanoq isumaqarfigaat?

Akissut: Aaqqissuussaariaaseq aningaasalersoriaaserlu imm. 1a-mi nassuiaatigineqartoq massakkorpiaq malissallugu Naalackersuisut naatsorsuutigaat.

4. Aningaasalersuinissamut pilersaarut inaagaq qaqugu Naalackersuisut saqqummiutissallugu naatsorsuutigaat?

Akissut: Imm 1a-mi akissut takuuk.

5. Naalackersuisut suliamut tunngatillugu soqutiginartunik allanik  
oqaatigisaqarsinnaappat ?  
Akissut: Massakkorpiaanngitsoq.

Inussiarnersumik inuulluaqqusillunga

Med venlig hilsen

Aqqaluaq B. Egede